



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

LVII. An vota, sublato Vetere Testamento, sint in Nouo item sublata?

urn:nbn:de:hbz:466:1-11726

QVÆSTIO LVI.

An VOTVM sit Cultus Dei?

LVTHERI, CALVINI QVE sententia eadem est: Vota ad Deum colendum fieri non possunt, nisi de rebus præceptis.

SVADENT. Quia omnis cultus voluntarius, id est, non præceptus, Deo placere nequit: Rom. 14. *Quod enim non est ex fide sc. verbi Dei præcipientis, peccatum est.* Et col. 2 reprehenditur ἰδελοθρησκεία, seu superstitio.

AVTOR. Vouere est actus Religionis; ergo & Reddere: iuxta Isa. 19. *Colent Deum in hostiis, & vota vouebunt, & soluent.* 2. Calvinus *Inst. l. 4. c. 13. §. 2.* fatetur, Vouere esse officium religionis, & promittere Deo: ergo Reddere votum est fidem seruare Deo: at hoc est immediatè colere Deum. 3. Iuramentum est cultus Dei etiam de re non præcepta; fateatur Calvinus *Inst. l. 2. c. 8. §. 23.* Ergo & votum. Num. 30. *Si mulier vouerit aliquid, & verbum de ore egrediens animam eius obligauerit iuramento, voti rea erit: reddet, quod promisit.* 4. Ex voto soluere rem non præceptam falsis Diis, idololatria est: ergo eandem ex voto soluere Deo, latría est.

5. Omni actu virtutis non præcepto, factio tamen in honorè Dei, colitur Deus: Vt, Luc. 2. Anna seruiit Deo ieiuniis. &c. Ergo magis colitur actibus votiuus. 6. Genes. 28. *Votum vouit Iacob &c. Decimas offeram tibi. &c.* hoc de re non præcepta vouit. David item vouit se templum extructurum Deo, 2. Reg. 7. neque præceperat ideò Deus: Sic vota *Leu. 27. Num. 6. 30. Dent. 12. & 23.* non præceperat Deus; & facta tamen sunt ad cultum Dei.

DICO. Apostolus vocat ἰδελοθρησκείαν, actus Deo non probatos, rerum inanum, quæ non sunt materia cultus diuini; vt est numerus lotionum, abstinentia à cibis, vt natura immundis. Et, si des tam est de Consiliis, quàm præceptis Scripturæ.

QVÆSTIO LVII.

An Vota in Nouo Testamento cessarint sublata, sublato antiquo Testamento?

LVTHERO - CALVINISTA Petrus Martyr contra etiam Lutherum & Caluinum id præfatiè affirmat.

SVADET. 1. Quia Votum in Nouo Testamento non nominatur, nisi cum de votis Legis fit mentio; ergo est Legale tantum. 2. Quia Professio fidei totos nos obstringit Deo: ergo si vouetur; vt si obsignat tabulis ac testibus patriæ potestati se filius obligaret, ante obligatus Decalogo. 3. Quia libertas Evangelii infringitur votis; vitæ enim genera esse libera voluit Christus, vt quæ nec omnibus, nec omni tempore veniant. 4. Qui vouet, iniuriam Deo facit, faciens necessaria, quæ is libera esse voluit.

AVTOR. I. Negat S. Scriptura cessare vota in Nouo Testamento. Isa. 19. *Colent eum in hostiis; Vota vouebunt Domino, & soluent.* Plal. 75. *Vouete, & reddite Domino:* At hæc Patres intelligunt de votis religiosi Noui Testamenti. 1. Timoth. 5. *Cum luxuriata fuerint, &c. habentes damnationem, quia primam Fidem ritam fecerunt:* August. in Plal. 75. id est, *Vouerunt, & non reddiderunt.*

II. Neque vota sunt ceremonia Legis; Quia ante legem vouit Iacob. Dein; illa solum cessarunt, quæ in Veteri Testamento Christum venturum præfignabant. Vide Bell. c. 17.

DICO AD I. Res voti extat in Nouo, etsi non nomen. Et præceptum voti.

voti soluendi Morale est; idè non antiquatum.

AD II. Obstringit in rebus præceptis; non in arbitrariis quæ sunt Consilii Evangelici. Ita patris obstringere filius potest in rebus sui iuris.

AD III. Si Christus libera vitæ genera esse voluit, cur multi se matrimonio vinculant? Dein; Negat Martyr quicquam esse adiaphorum & liberum, sed præcepta omnia. Libertas autem Evangelica est à peccato, non à lege. Rom. 6. *Liberati à peccato, serui facti estis iustitiæ.*

AD IV. Non pugnat gratitudo serui, facientis sibi necessarium, cum benignitate Dei relinquentis quid liberum.

Q V Æ S T I O LVIII.

*An promissio Baptismalis sit
Votum?*

LVIHERVS & CALVINVS consentiunt in ista. 1. Vota ad Dei cultum fieri solum posse de rebus præceptis. Ideoq; commune votum esse, factam in Baptismo promissionem. 2. Posse voueri ad negotia vitæ expeditius peragenda, vitandaque peccata. 3. Vota monastica esse impia ac soluenda: quod fiant opinione cultus diuini, & de rebus non præceptis.

SVADENT de voto Baptismi. 1. Quia Christiani grauius peccant, & puniuntur, legem non seruantes, quàm infideles: igitur obligationem habent, quam non hi. 2. Augustinus in Psal. 75. *Quid debemus vouere? Credere, sperare, bene viuere secundum communem modum &c.*

AUTOR. Promissio in Baptismo non est propriè votum. 1. Quia vota esse voluntaria debent: Deut. 23. *Si nolueris polliceri, absque peccato eris. Si vo-*

ueris; non tardabis reddere. At promissio baptismalis est necessaria: cum ad eum obligemur omnes. 2. Quia alia vota, quæ pro infantibus edant parentes, non sunt rata si adulti nolint: at in Baptismo facta pro iis promissio sic eos obligat, vt cogi possint inuiti, ceu mēbra Ecclesiæ. 3. Si promissio baptismalis esset votum, peccata Christianorum essent duplicata, vt, contra Legem, & contra votum; essentque sacrilegia, nec minus peccarent, quàm religiosi.

DICO AD I. Grauius peccant Christiani ob ingratitudinem; non ob aliam obligationem.

AD II. Augustinus ibi votum accipit largo modo, quo votum propriè dictum, & etiam omnem promissionem comprehendit.

Q V Æ S T I O LIX.

An Paupertas voluntaria, & Obedientia rectè voueantur Deo?

LVIHERO-CALVINISTÆ negant. SVADET Brentius in Confessione Wirtembergica cap. de votis: Vouens paupertatem. 1. Si sit pauper, nil habet quod vouere possit; Vt si in morbo quis voueret se agrotaturum. 2. Si diues; aut vouet daturum se in commune; & hoc est fugere paupertatem. 3. Aut daturum omnia pauperibus spe meriti; & hoc est contra fidem; quia Christus omnia nobis meruit.

AUTOR. 1. Voluntariæ paupertatis Votum sanctum est: 1. Evangelio teste: Vide in Antichristo p. 2. q. 26. 2. Quia, Act. 4. *Credentium cor vnum & anima vna: Nec quisquam eorum, quæ possidebat, aliquid suum esse dicebat: sed erant illis omnia communia.* Idque ex voto facto, Ecce 3 teste